

簡松草堂詩集

簡松草堂詩集卷十六

錢唐張雲璈仲雅

題韋靜山通守所藏翁覃谿學士儀禮校
簽卷子

靜山著儀禮章句蠡測二書學士爲覆
正之簽百餘條靜山蒼而裝池之屬同
人題詠予因得附長歌于卷末

我昔束髮讀儀禮如箝在口誠爲難塾師援筆手
屢縮輕易不敢施丹鉛雖云在今無所用歎其盛
者早自昌黎韓奇辭奧旨綴大要每思進退揖讓

於其閒惜哉不與正脫謬反令聖制輪鵬冠

昌黎讀鵬

冠于文字脫謬爲

之正三十有五字解經巨手推後鄭賈氏章疏誠

難刊惟於章句未昭晰徒使佶屈同殷盤後人多

以意屬讀一往津逮終無端齊隋黃

慶李

孟憲

導

先路二氏之疏今莫傳公彥尙復舉其謬諸家南

北何由觀賈疏亦復有可議未必攻擊膚仍完試

舌齒牙舉數義聊當洗垢求其癥卽如冠辭伯某

甫疏謂二十字已然至年五十始去甫其說未免

成拘牽尼父誅辭見盲左何以七十稱此猶相連

士冠

禮疏聘於他國致私覲階東拜幣其意虔前時亨

幣未嘗拜謂非己物無由前欲將君命更須敬疏

語宜補經文全

聘禮疏

姑存主婦主祭祀鄭注具在

特牲篇

特牲饋食禮主婦纁笄宵衣注主母年七

十

自與祭此說未敢相為安甘羅上卿事在史相

秦之說何有焉當時秦方尊仲父童子安得侵其

權

喪服

其餘闕東闕西之入更顯悖

聘禮疏賓之入闕與鄭注

玉藻

朝溢夕溢之米尤喧闐

喪服朝一溢米疏既載於本篇

復於士喪禮載

張皇補苴待後起豈敢有意攻前

賢靜山通守吾畏友孝先腹笥常便便其於儀禮

更肆力如肱三折臂能專

君善

條分件繫理解確

層見側出天心穿北平先生老宗匠有道之正留
真詮一文一簡視全策貫弗直欲通周官譚溪先生云
文一簡視如全經可也又云治儀禮者必斯言獨
於關涉周官處用意使二經貫係於一
能舉其大尋行數墨終何關光分天祿三日火巖
電照耀清臚寒簽書一百六十一勝集狐腋窺豹
斑裝成不許蟬粉汚墨妙已見秋毫顛君早拂衣
棄青紫復向故紙埋頭鑽讀書不放難字過寧琢
肝腎凋朱顏等身之著誰復盡讐校爲君一一紉
拾殘叢殘

金粟菴遇王九見大越日來訪並示韻山

堂詩集走筆賦贈兼送北行

訪秋金粟菴秋老人亦瘦菴前千挺竹涼意一襟

透言尋汎指聲三進乃及廂

君先于
此彈琴

誰料故鄉人

於此成邂逅平生未相見相見豈嫌驟相見不相

識相識已故舊鄉音喜觸耳才語易入殼然明一

言善安世三篋富談深佛香消坐久曇花覆翻令

老沙門疑戀桑下宿越朝扣門來蹴損綠苔甃高

論洽素心爽氣照清晝快舒滿背癢愁豁兩眉皺

詩篇早剗剗投我逾寸厚五年七卷詩

自乾隆甲寅至嘉慶

戊午卷卷六藝激才雄句自奇氣猛力誰鬪典可數

家珍舞乃擅長袖清思具轆轤妙語見輻輳君詩

如元珠索之媿喫詬吾浙詩有派每怪積習狂色

或事鉛澤工亦喜飮餽鄉之諸先輩未易除溝猶

溝音拘猶去聲見荀子一變懷清雄湯西厓侍郎再變道古茂杭堇

浦太史近時惟隨園袁簡齋先生生氣充宇宙矯然君出

塵一一撤垣囿況客五羊城山川得奇秀羚羊七

星巖嵌空挾靈寶珠江水生肥花田土如繡弓衣

競流傳蠻語供刻鏤名動東諸侯倒屣不遑走飛

書腕幾脫痛飲厄若漏翩然揚州來旅館暫時僦

言將入春明欲爲大禮奏我如風轉蓬君似雲出

岫若非遇道傍何以慰旣覲共憐故園荒久缺摩
蜃齧屈指君行期日月在龍魏時近古重陽且酌
黃花耐此會非偶然此別已心疚他日君下車一
笑相逢又

以建蘭五盆寄秋雨菴託鑑塘上人收護
因系以詩

幽蘭生空山本不樂塵埃俗人解好事適與其性
枉飾以紅雕闌護之碧紗幌笙歌每競發酒食或
閒往蘭亦睚就之未免藉其養如以餐霞人忽作
煙火饌如以姑射仙翻動綺羅想久安亦自然初

意殊勉強俗人不自知謂得蘭真賞我生性愛蘭
愛其氣俶儻可惜所居陋位置乏壇爽寒風射牕
隙時挾故紙響每念持護難有若兒在襁投體禮
竺卿慈悲力自廣藉滋法雨潤還照慧日朗亦如
衆沙彌齊向佛座仰明年春風來生意滿盆盎新
茗連翡翠餘籜比篠簜幽香歷三時直自夏初防
此福詎易消慙媿安坐享

聽人論袁簡齋先生詩文退而成篇

我昨廣坐逢羣公笑談四起生辨鋒縱言至於小
倉山房集毀譽不肯相爲同譽者謂其言語妙天

下往往嘻嘲雜怒罵輕俗何妨長慶同風華自是
西崑亞毀者謂其類俳優衝口率臆無時休香山
徒令老嫗解旗亭但供諸伶謳或言其氣太宕逸
或言其文無紀律或言可發不可收或言知疏不
知密大都譽者阿毀者謾譽者不敵毀者半有
下士傾耳聽不覺臨風動長歎君不見山谿小澗
清無漬不如長江大河沙石一齊駛槍刀弓劍排
演誇如神不如濡縷之血匕首立殺人先生有才
在善用如將將兵偏以衆妙舞多工貼地腰橫行
每喜翻塵鞋萬朶生香瑤殿花一聲清響丹山鳳

生龍活虎在人閒幾箇能擒復能縱揚之起則起
按之伏則伏引之舒則舒蓄之縮則縮疾徐高下
隨所欲生來不屑繩尺持看去方知規矩熟世人
不識用筆精毛舉細故供譏評今我讀此心爲平
瑕瑜不掩留菁英汰其四者存其六此集自占千
秋名吁嗟乎先生之名自不朽先生之死惜不久
風流若後五百年毀譽紛紛亦何有聲稱難愜衆
人心公論終憑後世口李杜韓蘇在昔時也復由
人說好醜

柳梢樓角見南山圖爲華湛之題

柳色柔情兩莫分
畫樓縹緲綠當門
行雲澀似波
三疊遠夢輕于黛
一痕天末望窮何處
路人閒留
得未銷魂
此中合有憑闌客
卷上重簾日易昏

暫歸杭州仍寄梁侍講表兄清勤堂西偏
木瓜樹下

一別蹉跎竟五年
故鄉風物總堪憐
不知久客成
何事且喜來歸有
宿緣
離曲慣聽羌笛柳閒身又
上暗門船
酒痕他日看
新舊檢點征衫倍惘然
繡瓜一樹覆檐深
留客蕭騷聽晚禽
見面幾人憐
瘦影出門隨地是
鄉音
我生未許長鑣托嘉會還

將短夢尋惟有頻羅老居士白頭猶識暫歸心

哭金桐巢

名耀辰仁和弟子員卒年五十

已覺生無樂誰憐死更窮一兒星失曙有母燭臨

風貧病兼原憲詩篇愛長公

君於坡詩最熟有蘇詩集句

不堪

同學意相弔九原中

一曲山陽笛淒涼不忍聽髮憐強仕白

君才及四十鬢髮已

白燈憶稚年青宿草空霑淚疏帷欲降靈文光與

鬼火長夜自熒熒

題松江姚公子春木

椿

萬里圖卽書其望

雲集後

胸中特具千古識足下始可萬里行行來萬里何
縱橫疑是虬鬚頰面曼胡纓誰信翩然一年少讀
破萬卷之書生書生膽氣生偏厚傲骨撐天不知
瘦閱歷方知道路難性靈早奪山川秀姚君爲圖
皆有說三十二圖鱗次列此身人向畫中來以身
爲圖圖不設圖有贊而無畫圖中諸景我未閱乘風破浪
已駭絕忽然投我望雲編展讀未終先擣舌燕齊
秦楚更西蜀世人一過早瑟縮君獨胡爲屢往復
笑指長途等一蹴心摹手追與境逐肝肺槎枒出
空腹境險不許詩句熟吁嗟乎飛仙半空善擲身

老僧寸鐵能殺人孤延力共霹靂鬪燭龍氣挾風
雷瞋握蛇騎虎不可測陽開陰閉疑無因森嚴未
許攫奇鬼呼販徑欲通天神君之詩境直似此得
江山助洵有真悅然置我黔蜀道雜沓萬馬來駢
駢峨斜攢空峰似劍淫瀕出峽波如銀君詩工寫
難狀景畫師見此翻逡巡我今讀詩勝讀畫畫不
可到詩能臻卽今栖遲近鄉縣三年子舍常生戀
尊甫一如先生觀察成都消息時驚鋒鏑心夢魂長對庭闈面
力弱思彎李廣弓路遙難問胡威絹傳聞元濟就
生擒更說敖曹膺重譴絕徼依然肘腋同征程豈

慮機槍徧重教萬里省親還看君飛鞚如驚電

題松江張晴湖漁湖莊春汎小冊

畫舸浮來水一方湖壩還占讀書堂知君愛住空
明裏不憶煙波笠澤涼

濛濛柳色望中看遠映吟篷近拂闌自打雙橈天
上坐浪花如雪不勝寒

西溪別墅認柴門猶有東山屐齒存燕子生來忘
不得萬重飛絮是愁痕

君爲天瓶尚書族孫尚書
舊有別業在河渚今已敗

瓦頽垣矣

由來汎宅說吾家拌得浮生似落花今日披圖倍

惆悵明湖一角已天涯

十二月十二日同王妙聞別駕宮集西湖

蘇公祠一時會者數十人蘇公向無專祠

爲今阮芸臺中丞元秦小峴觀察瀛所建

前欲殺公身後復毀公祠賢者之厄竟若斯蘇隄成杭

人祀公隄上呂惠卿毀隄兼毀祠見靈隱志後來隄復祠未復隄至南渡始復

空負當時拓湖淥遙遙至今七百年四賢之祀毋

乃瀆四賢李鄴侯白太傅林處士并公也錫山觀察西湖主政事文

章與公伍前人事待後人補完取公隄一片土蘇隄

當時人但呼公隄公送李友諒歸錢唐詩云公隄不改作姥嶺行常新趙次公注公隄乃先生所築

杭人以此王君偕我祠下來兩漿曉撥寒波開入
稱之是也門端肅拜栗主嵐秀淨埽諸煤哀公意豈屑爭此
座要令祀典無嫌猜臘初無冰氣候暖晴旭烘綻
庭前梅吟朋勝侶續續至俯仰千古驚天才人人
願作公弟子而我不惜爲輿臺是時嘉平月臨丑
磨蝎身宮逢十九紗縠行中說降生更擬重來爲
公壽剝將樓心筍網取竹間鼈莖以元修菜酌之
眞一酒花猪肉肥一寸厚漢陂魚鮮染指从白茅
之薑黃耳蕈新樣二紅飯在口玉女水瀾日注茶
調取還應竹符剖公心嗜此神來歆安得爲公羅

所有我來瞻視斜微顰一言更爲觀察陳公之築隄有所自奇功照耀逾千春公今專祀心已慰可惜錢唐一許尉隄之築公實用錢唐尉許敦仁之議惜其爲蔡京私人不堪配食

汎舟西湖雜句

如此家山惜浪遊歸來空自黯凝眸羨他卅里西湖水只在長隄裏外流

西泠橋外喜揚舲紅槳前頭不暫停衰柳已如雙鬢改可憐無復舊時青

遊情別緒兩依依化作輕塵水上飛四面煙波萬重碧只愁閒煞綠簑衣

境到重來似隔生白雲紅樹倍多情冬山睡起渾
相識齊展煙螺管送迎

黃妃壞塔幾曾頽塔上重陰撥不開莫道寒晨太
蕭瑟孤山早放二分梅

浴鷺飛鷗似故人此來相見不相親祇因怪我長
爲客輸與涼波自在身

鄉心不畏兩峰高日日思鄉夢亦勞隔斷錢唐一
條水教人長恨廣陵濤

精藍小住便爲家門外沙隄一向斜妬煞梁溪老

明府十年飽看兩湖花

謂華秋槎

題華秋槎明府北山旅舍圖

明府舊令吾浙之臨海罷

官後寓居西湖德生菴

先生作官如作客一樣窮途遭眼白先生作客勝
作官門外煙波日日看生來家在惠山麓又住錢
唐湖水曲食魚何事兼取熊得隴分明還望蜀先
生曰吁子來前我生無家更無田無田不惜鶴糧
少無家自覺鳥飛憐王尼車向露中宿張融船且
岸上牽雖然萬事不快意所幸人厄非由天天公
多情來慰我一菴留住明湖邊湖邊一住竟十年
日與山水相爲緣居然占斷北山路於此有志將

終焉故鄉咫尺不歸去縱有誚讓吾寧愆我亦作
客心自悼試與先生相比校先生放浪山水間我
但風塵作蹢躅先生離鄉僅五程我更去家千里
道先生名譽日逢迎我偏形影時相弔先生解組
一身閒我正危機將欲蹈方之先生百不如浮家
久被樵青笑我今展卷增忸怩公乃對人轉兀傲
到門誰認宰官來入座常將地主冒坐對梅花處
士心識來魚鳥東坡貌湖山之樂竟如此令我懷
鄉心不死不欲公歸欲我歸相約結隣一言矢所
不歸者有如水嗚呼所不歸者有如水

高三表弟種梅齋前乞余詩因呈二十四

韻

我居以梅名而初未有梅嘗爲補其缺虬枝當前
階君時館我家巡檐日幾回花時萬蓓蕾其下常
銜杯明月入我廬春風吹我懷石徑鑿冰雪牕紙
除煤竇聯袂數寒香晨夕無嫌猜自從揮手別
輪不停催冉冉廿載餘此願今已乖豈惟此願
故園久蒿萊蒿萊不可剪回首鄉心摧歸時暫相
見相見兩于憊當日年何盛今時心已灰羨君此
我強占斷家山隈東青古巷中草堂臨池開

君所
居東

青巷有池
上草堂

昨歲飭健步移致紅萼栽冷吟與閒嗅
瘦影同徘徊語我有矜色此樂知難偕誓將返河
渚久乏尋芳輦欲煩驛使寄所惜汚風埃乞君寫
古幹橫幅張高齋畫梅奪梅魄恐使成枯蓼何人
摩橫竹令我心神哀定當化翠禽飛上南枝來

題汪季懷

璵

天潛小隱圖

并引

山人生長西湖忽遐思遠世之故土將
歸隱焉繪圖示意雖孝弟之心所自生
而弋釣之地豈易置也題此以當反招
隱質之山人亦以見不肖湖山之戀有

觸卽動耳

山人八世錢唐住忽畫家山欲歸去家山久作異
鄉看云是先人敝廬處君家舊是天潛山長在山
人心目閒生來未識此山路夢裏白雲時往還白
雲原是君家物常與鄉心同出沒誰把雲山任取
攜畫手分明看突兀披圖自覺栖遲穩如此林泉
那不隱乍疑此境非人閒便欲從君乞粉本讀畫
轉三歎再拜陳一言君之此意殊不然西湖山水
妙天下生其地者不可謂非天我方賁恨將終焉
所恨生無二頃田一落他鄉廿五年家山從此疑

無緣不願入騶行車前亦不願銅山金穴常相連
但願數椽明湖邊柴門開處淩蒼煙綠波一葉浮
畫船此樂詎肯輸飛仙君於其閒顧而笑何屑他
境中懷牽人生只合西湖死羨君終歲不離此不
向兒時數釣遊翻從舊日思桑梓果教竟返山中
居又恐難拋湖上水山人之名雖有始山人之志
亦徒爾不如徧寫西湖圖招盡山中隱君子

京口除夕

一櫂寒依鐵甕城天涯除夕最關情驚殘魂夢惟
笳吹淘盡英雄是浪聲未許椒花將歲頌獨留竹

葉共愁傾故鄉回首煙波闊漫說江山壯旅行

解凌

嚴風合衆流不許寸波活穆穆同一形萬頃琉璃
闊十日斷行旅僵坐不得發我來亦兩盡彌望總
淖浹晨起天氣和流澌聽汨汨初疑衆槎撞或有
萬手熨細如瓦礫破巨如山石刺重如磨盤壓快
如桶底脫四隅旣已離中央不可兀寒潮兩度來
日夜相蕩潏忽看地維解直恐天柱扞紛然齧露
背歛爾蛇脫骨推移似積薪排比若巨筏振觸鳴
碎瓊流轉動浮沫船頭當礮衝舵尾懼劒割寬處

擬牆排狹甚等門奪一時順流下勢可千里蓬其上載鷗鷺天機頗活潑我昔渡黃河凌解懼搪揆迴船急避之疾勝箭離筈砉然激崩崖力過萬鈞捺猛勢不及防一半船已沒其旁有沈舟竟墜蛟龍窟此來險正同往事記恍惚

梁四接山謁選入都將注銓矣忽拂衣徑歸訪予於揚州寓館爰贈二律時予亦將謁選人所以深志媿也

京華插脚便歸來出處難將夙願乖一去身如魚縱壑此行人說馬臨崖在山未放流泉濁致仕何

煩苦筍差回首故園花事好莫令春色笑吾儕
萬人如海忽抽身來住江頭楊柳津頗喜緇塵難
化素何須腰艾更垂銀局中雙陸無休勢宋守敬云俗言
雙陸無休勢予謂仕宦亦無休勢見劉肅大唐新語袖底漁竿且暫掄君自
迴車我方駕相逢長覺步逡巡

寄懷侯小坡卽次其春日見寄原韻

休將花月管芳年惆悵良朋各一天鄉夢殢人留
枕短春風催我著鞭先時親知皆促予北行文章自昔憐知
已聚散還應有夙緣一樣生涯託萍梗羨君長住
兩湖邊

訓姚公子春木見贈原韻

公子金閨彥翩翩正少年兩隄珠勒馬萬里錦江
船對客才如水封侯面似田望雲吟更苦心事向
誰傳

惜此忽忽別相看又隔年我攀隋苑柳君汎聖湖
船暇有登樓賦貧無養鶴田千秋期不朽努力向
誰傳

接山草堂圖歌爲梁匠誨表姪作

司空沖泉表兄守黔之遵義以接山名
其堂匠誨卽生於郡解追念先人宦蹟

并其墮地之所遂以接山自號並爲圖
以誌之屬予題句因成長篇

梁公子何翩翩聽我作歌聲淵淵男兒墮地亦偶
然君之初度乃在黔陽天君家司空驅五馬森森
畫戟凝香邊接山草堂山接連日日雲氣生堂前
是時君方翦髻髻文葆竹馬春風顛彈指一刹那
遽隔四十年四十年來跡屢遷自黔而吳而楚粵
最後帝里時周旋君逢他境無所戀獨於斯堂
結轡中懷牽以之自號尙不足更寫雲壑相連蜺
鳥衣巷口甲第聯火城沙路車馬闐至今花木如

平泉賤子君家所自出熟覽堂構欽前賢清勤之

額

宸翰妍

清勤堂爲舅氏文莊公額

御賜

古懷之屋祖德延

古懷書屋文莊公齋名

葛林清幽傍墓田安定祠敞臨湖端

外祖谿父先生佳城在葛嶺下與孤山對有菴名葛林園在墓側其半爲先祠

世父矯矯

人中仙頻羅菴小疑逃禪

謂山角侍講表兄頻羅菴主兄自號也

若

於其閒足俯仰釣遊隨處皆堪憐胡爲蠻徼一傳

舍遠自童稚猶拳拳雖爲君生所自始豈諳風物

兼山川君曰唯唯復否否先人乞郡此最先我又

於茲方降誕會逢其適非無緣事有所起忘不得

往境追遡心爲懸不爾過眼空雲煙梁公子何翩

翻卽今君家之西偏煤炭淨埽粉牘鐫其下可以
張素琴擘吟牋迴俗士駕敝羣公筵湖光浮城几
視潤花豔照座餅罍鮮圖中諸景出想像但得其
略非其全播州古稱風土惡遵義卽古播州地而今教化
久布宣定軍香風郡中難指數名山百里同蜿蜒
梁公子何翩翩君之生也實秉是邦之靈氣性情
嵐秀相纏緜君不見延年杜大夫居父官府不敢
專他時宦蹟比小鄭此堂重到衣裳褰峰巒屋宇
補寫所未及庶令佳話奕葉長流傳

和友人春晝卽事

煙篆縈珠檻蛛繩罨畫屏
鳥飛風外乙香散雨中
丁鄉遠書無準愁多酒易醒
閒門稀剝啄春草過階青

送王見大

文誥

入趙介山

文楷

修撰幕

冊封琉球

六合欲賦非盡愚八極不遊母乃拘王君鵬翮凌
天衢豈屑籠鳥觸四隅京華一別半載餘歸來爽
氣生看鬚韡刀帕首纓曼胡雄冠的皪銜明珠謂
我將詣中山居此去竟作萬里踰中山國在閩東
區昨乞朝命封厥儲我

皇臨軒特勅除天水修撰眾所舉茲選誰復能先

諸隴西爲副

李右史鼎元墨莊

綸綍俱巴蜀不數漢相

如南越何有陸大夫麒麟

賜服恩禮殊揚旌唱

騶儀衛都豈僅張廬給角符君爲溫石幕府趨陋

彼綠水紅芙蓉江淮間粵經長途梅花重洋開舳

艫子午之鍼一綫蠶玻璃之漏聲在壺跳九日月

常浸濡百靈祕怪相持扶役使穹龜與長魚饞蛟

颶母驅爲奴輕帆如駛過彭湖君於其閒歌鳴鳴

長篇傑句共唱喁駭伏罔象逃天吳海童淵客爭

貢諛中山大長目睢盱對此驚拜兩手膜君才自

可過嚴徐贊襄大典識匪迂能使荒服誠心輸彼
國始通在隋初三山分合攷核疏當時使者各著
書君試爲按實與虛補其不及刪其蕪行程所過
雖須臾山川風物羅清臚自當一一重爲臚看君
意氣旁人無安肯局促爲人徒終軍西遊早棄繻
郭丹出關乘高車君將自爲何有乎此行先試良
不誣我見目曉誠小儒羨君壯遊擬執爰他日過
歸過我廬紅螺酌酒烹佳酥

琉球
魚名

乞君橫掃鯨波

圖

桃花菴

一路柳濛濛輕船打槳紅草河春漲滿花院夕陽
空倦客憐坡老新詩問己公甘亭上人能詩茲遊正清絕
回首磬聲中

小秦淮打槳詞

春來新漲碧於油日日涼篷打槳遊一片簾波萬
重影果然爲水也風流
小東門接大東門柳色濛濛綠易昏一路浮萍管
閒事送人來往總愁痕
處處波光漾淺紗碧闌干外卽天涯不知溪路生
來窄畫舫相連似一家

橫波隨意畫樓前
釧動釵飛總隔天
逢著劉郎許
平視只愁狂殺杜樊川

無限柔腸似轉輪
誰家絃索動梁塵
雙橈欲緩東
風急看到忽忽不是春

分明艇子莫愁來
網戶沿流屈戌排
怪底遊人易
振觸小秦淮是小情懷

題馮鷺庭編修所藏田山薑侍郎大通秋

汎圖橫卷

大通橋壓秋波涼
汎舟者誰田侍郎
督漕分司出
農部官閒高會吟
重陽茲事已隔百
餘載歡譙於

今良不再展圖不見圖中人指點題詩姓名在長
水編修偶得之頗恨生不同其時卷中未許忝賓
從局外似欲參鬚睂君得此圖增太息前輩風流
渺難得我見此圖殊輾然兩重佳話同流傳前人
物在後人手前人詩在後人口後來還有後來人
前後遙遙皆不朽不然萬事總雲煙過眼而今亦
何有分明覲面對羣公也似留連共文酒君不見
前年太史秦敦夫三好曾購蛟門圖廣陵市上忽
邂逅擅場繪事推鴻臚 國初諸老留題徧當代
名流亦相見賤子居然廁卷末比似行軍身在殿

素敦夫編修於揚州市上得汪蛟門北部少壯三
好圖禹鴻臚尙基所畫索同人題詠予亦附作
此來又復附青雲詩名早被旁觀羨物必有偶事
每同一時感舊皆生戀慶豐牖外東西潞欲汎秋
槎人已去牆脚山薑花又殘至今猶誦移家句牆脚
殘立山薑花侍郎移居詩也

和李齋生同年苦雨柬平成甫原韻三首

迎梅三日霖舉目快嘉澍良苗鬱生意雖新亦逢
故如何兼旬來滂沱日幾度得毋阿修羅國觸天
帝怒介休霹靂車往返循故步不敢下堂階幾欲
成禁錮我非清言流排牆禍誰訴那堪環堵室終

日事削屨

我皇軫民依歲歲念乾潦今年畿輔旱雲

氣絕虛島下詔理庶獄民命以爲寶感召徵天

和明禋事虔禱雖聞得甘澤未足抒聖抱此

閒行雨悞稽天跡難埽曷將馬頭餅分向天北倒

用李靖事日馭願速來幽滯去及早毋使十畝閒長徧

夫須草

蝸沿一丈牆苔合扶寸地濤聲起階下瘴氣濛坐

次故人有春風咫尺吹未易詩筒往來近滑澁難

屢寄侵晨拓書牕微冷索半臂但見雨脚稠森森

銀竹植苔霧溼乖龍長風走渴驥我昨汎大江飛
雨勢更異書生膽氣薄長風慕應媿歸來復閉戶
畏濕如仇避幽獨無好懷蕭然抱秋思新晴當過
君莫厭襍襪至

齋生復疊前韻再爲和之時方有晴意

不雨旣暎乾多雨又霖澍天公於此際往往失其
故始知萬物欲其理在中度潦甚癡龍愁旱甚陽
烏怒卽此知爲政斤斤循跬步過之鮮不失諸事
成廢錙我欲向三揖思作投匭訴調劑願適平毋
似愆伏屢

簡松草堂詩集

卷十六

三

瑟瑟北牖風泱泱西家潦溜聲亂江潮潤氣連海
島晨光忽熹微罕見殊可寶大吏昨始出方作三
日禱居然貪天功一晴慰吾抱不見前山雲積重
尙難埽安知銀潢水不復更翻倒當行旣嫌遲撤
事又怪早請命爲爾民何乃太草草

食無一稜田居無一椽地廿年三十口終日在旅
次廣陵玉桂國作客良不易況我又寡儔自傷藐
焉寄贈舟與指困誰復助以臂所求屢豐年關心
禾麥植願爲得食烏甘作伏櫪驥嗤彼劉孝標戚
戚較同異君詩霹靂鳴聞者咤且媿撥雲見青天

雨師三舍避驅彼陰霾色起我煩冤思萬里舶起
風自君懷袖至

簡松草堂詩集卷十七

錢唐張雲璈仲雅

自觀音門入夾江數十里至石城山皆紫
青疊翠濃色可掬吟賞無已得六斷句
帆指金陵破浪行夾江差喜浪初平直從燕子磯
頭看一路青山接石城

平林深處綠濛濛添抹山腰暮靄重誰碾黛螺三
萬斛一時勻染佛頭濃

貪看名山不計程篷牕濃色幾回生江波江草相
連碧白鳥飛來分外明

巒影多情送客船前峰鎮與後峰連白雲不解行人意遮斷遙青一朵煙

潑空嵐氣幾曾收雨後應教翠更浮綠鬢生來也如此而今相對不勝愁

髻邊青不藉苔紋額上黃猶戀夕曛可惜此中無點綴樓臺金碧李將軍

金陵喜晤同年許秋巖太守賦呈長篇

昔我先人少司馬與公舊有淵源雅

尊甫爲先君戊午所取士

賤子弱冠歌鹿鳴與公又忝同年生論交已是到三世豈得香火無前情都門席帽曾相見居然不

隔同年面公時早預曲江宴於茲登玉堂侍金殿
躍然龍超而虎變中間事歷小滄桑有人總在風
塵羨從此因緣一面難望公直比神山現軒軒五
馬來幾載臨江左有脚陽春作民爹我方久客住
揚州江上沿流見燈火相思望斷秣陵秋未許乘
風浮一舸縱教尺素託雙魚江水茫茫碧雲鏤與
公雖未相周旋隔江屢聞太守賢太守之賢難悉
數七郡三州齊步武我欲從公訴貧寒公之清節
人所難我欲從公事干謁自笑生來無媚骨坐令
相去咫尺中一刺不向公門通公知其意願而笑

此才母乃非雲龍竭來偶鼓江頭楫四面雲山舟
一葉瓜蔓新添遠漲肥梅霖細打征帆濕石城橋
下小句留畫戟凝香容步履依然車笠舊時看乍
覺相逢更相揖我思往事更有云當時及見公嚴
君公家嚴君意慷慨爲說師門有遺愛勸我青雲
早致身此義至今心尙佩公今自克振家聲我乃
無端落塵瑱他鄉空博寓公名故里曾無敝廬在
閔叔人憐安邑肝杜陵誰送園官菜研都旣遙十
年賦說事又慙三尺喙如魚仕宦已嫌遲飛鵬功
名終笑退此來見公喜不禁知公情比江波深江

波非深情更深慰我地下先人心

風雨不得登燕子磯

磴滑疑無路峰危欲墮空正愁龍挾水還恐燕乘
風碧嶂紛江樹紅牆出梵宮前遊十年事惆悵倚
孤篷

江行風雨陡至泊叢葦閒竟夕掀簸不能
成寐危坐達旦

排空濁浪黃壓地壞雲黑天公撒粗雨萬手一時
急舟師力難施欲住不可得迎風捉一篙旋舞不
容直聲聲如鳥呼面面有土色急不暇擇地無復

辨南北兩岸青蘆叢獵獵深叵測移船入蘆際首
藏尾不匿雖非可久安藉以得暫卽所幸在轆轤
所喜在荆棘偏從不平處反得平坦力牢借椶纜
纏重賴鐵鹿植此心少維持終夜愁反側起坐剔
明燈不知漏幾刻除此一星火大地盡如墨時於
篷牕罅魚龍有氣息長空黝黑中十萬山鬼逼

大風過黃天蕩

黃天蕩無風三尺浪

俗諺云

斯語可怖不可狀我來

正值有風時千疊洪濤更排宕或抑之或揚之中
流岌岌不自持疑有馬衙罔象之輩來閃屍將殢

拋弄空中馳我聞黃龍尙不畏神禹雙蛟且欲犯
子羽何況一腐儒孱弱安足侮危機乍蹈神已沮
再拜江神歛厥怒勝之我輩亦不武毋使舟中五
色盡無主不然安知世無李冰與周處乾魚有願
非蹉跎此梁何必煩黿鼉書生膽薄所見小若淩
滄海將如何耳畔洶洶聞驚波我來安坐尙覺心
目眩不知矍矍之艦何以能轉戰

雨中金陵往還雜句八首

一程風雨一程晴又見輕橈泊石城十二年來舊
遊客此生眞箇是浮生

一片潮痕潤袷衣沿波楊柳正依依不知誰更迎
桃葉但見空江白浪飛

莫愁湖水綠迢迢一雨遊情已嬾招見說松雲狂

太守鎮將金粉補前朝

莫愁湖在水西門外前守李松雲同年修葺爲觴醺

之所惜以雨不果遊

隨園人去已三年宿草應知徧墓田畢竟文章橫

一世後生休更議前賢

謂袁簡齋先生

鳳池書舍傷鬢宮曾共嵇生作寓公此日重來倍

振觸可憐魂斷舊終童

嵇生雲桐從予遊年少能文乾隆己酉予送至金陵

秋試寓鳳池書院不數年而天至今惜之

雨花臺接里長干，尙憶前遊興未闌。
爲欠衝泥金齒屐，六朝風裏抱輕寒。

水漲平臯樹漲天，四圍吟望綠無邊。
篷牕盡日空濛裏，衣角睂梢總翠煙。

破浪乘風也壯遊，帆檣隱隱見眞州。
青山依舊青如此，只有行人漸白頭。

江上有地名青山頭

大雨牆圯二十韻柬齋生教授同年

我生如長卿，家徒立四壁。
僦居亦吾園，分疆各汝畫。
肩及笑易窺，髻見仍自域。
豈羨方丈書，聊護十笏宅。
兼旬注霖雨，滂沱無朝夕。
衆波決白寶，細溜

走緣隙初焉訝鼓斜忽乃驚迸圻傾顙聞雷殷壘
塊但土積兩家色笑親三徑行步窄未容犇于前
無復循似昔王陽棗任取杜老酒猶滴月照光正
同花動影不隔縱無隣女登頗覺他族逼夜來鼙
睡聲疑在臥榻側損我蘇花綠賸彼蝸銀白防閑
到庭戶障蔽藉簾席所喜物無長此意坦然釋丹
青亦徒工金銀豈容飾來朝看陜陜仗此操饒客
莫似夷甫傷願脫孝嗣厄

可憐詞四首

阿引亡日作時已葬無錫

可憐弱質久摧殘冢畔溪流記伯鸞留得小名無

喚處盡題荒碣與人看

幾度臨風欲散哀可憐
默默又心摧不知長日消
何事念汝應須一萬回

玉燕金環總不真雪膚花貌已成塵
可憐住世無多日翻向泉臺過二春

平時只許夢中探亡日空教淚眼含
欲把一杯重酌爾可憐魂小隔江南

小徑

小徑客初去落花猶在門
兩三疎雨點一半曉煙痕
苔學波紋皺雲連竹色昏
無人閒坐久翻覺石

臺溫

趙貢甫供奉

九鼎

墨蘭爲應叔雅題

不羨輕紅染夕陽
底煩修綠護新篁
生來人與花同氣
細碾麝丸瀋亦香

昔時玉佩久承

恩猶有金漳舊譜存
回首長安

六君子年年風雨又當門

北平翁學士有六君子歌皆一時善蘭竹者趙

君其一也

題嘉定印氏家藏小竹山人送歸震川先

生公車所畫安石出山圖

風流宰相東山客
天下蒼生繫安石
男兒富貴自

有眞世上功名總虛擲震川先生老待詔八上公
車皆瑁繰尋常一樣走風塵半是逢迎半非笑一
第成時廿五年小邑烹鮮寄清操但將通守署閒
身儒術迂疎疑寡效想當落魄長安時意氣欲將
風會持文章但遭俗眼白姓氏每動旁觀疑輭紅
塵土年年踏嘆息孤蹤竟誰合世事徒誇千佛名
壯心消盡三條蠟春風拂處座猶寒秋卷裝成名
已狎入洛翻嫌陸氏遲客秦常見蘇生乏有才如
此且沈淪餘子何堪更摧拉不少生來未遇人十
年有翼從教塌小竹山人來送行橫圖掃出精英

生方之謝傳有深意欲令白面談戎兵是時倭患
頻年阻沿海舟師民力苦江南督戰趙司空文華
西市沈寃張制府經就令先生得通顯未必嚴疆
遽持斧科第繩人氣不揚襟期入世奇難吐君不
見謝公亦是陵霞人蕭然自與山林伍年逾四十
作儀同功業巍巍扶典午坐令強敵却百萬更使
陰謀消九五若教席帽也隨身高臥當時竟何補
先生出處難比公先生抱志將母同卽看講學安
亭上便是圍棋別墅中吁嗟乎畢竟先生成進士
猶勝終身不到此

和湯夢竹甥平山堂看桂二首予將爲北
行想見雨鈴風鐸倍難爲懷矣

香風催我出城闌萬里魚天絕點塵紅槩碧波秋
外路青衫烏帽客中身憶來鄉樹遊情減西湖滿
覺路桂
花最盛參到禪關妙諦陳久在淮南小山住不知招

隱更何人

蘋花葉葉動衣香尚有秋蓮萬柄涼廢圃雲煙空
過眼桂花之盛莫如趣
園惜傾頽已甚歌臺絃索幾迴腸底須隋

苑懷前古只恐并州等故鄉記取相依邛岷在勝
遊長近讀書堂

湯甥以畫梅扇面索題口占一絕

離離牕影霧難消
浥浥鑪香翠欲交
簾外雪花三寸白
自融殘墨寫寒梢

馮鷺庭編修構別業於洞庭東山之查灣
方欲作圖復買得王補雲爲沈疑南所畫
林屋山居長卷 國初諸老題句悉在因
卽以自況索同人詠其事

玉堂仙子湖山主
示我橫圖軸如杵
沈郎昔夢洞庭遊
繪事曾教補雲補
百餘年後流傳久
宛轉忽入先生手
先生得之爲啟顏
快說相逢事非偶
數

椽早許占查灣已近洞天傳第九終嫌林屋隔重
湖豈料茲圖爲我有圖是山之西居在山之東三
萬六千頃一片煙波通煙波中間乃有仙人蹤住
山讀畫兩奇絕金庭玉柱一一羅心胸劃然長嘯
生天風精神直上縹緲峰頭峰峰頭元鶴忽飛渡
徑欲跨此遊溟濛此圖筆墨殊神妙預爲先生來
寫照不須多事畫東山一面雲霞兩邊肖公家老
屋長水南風蒲飽挂遙空嵐食魚兼熊昔所嗜得
隴望蜀公寧貪如此林泉自堪隱橘塢薑田住尤
穩楊梅栗紫櫻珠紅四月甘涼沁喉吻卽論口腹

已擅奇欲脫朝衫計應準思歸尙且爲鱸魚致仕

何妨同苦筭吁嗟乎茜莊人去事已空

疑南自號茜莊何

嘗一日居圖中胡不并置西山一畝宅占盡全湖

七十二峰碧先生笑爾願太奢一箇西湖竟拋擲

松江袁竹室

慰祖

工山水花卉歿後一年

其友吳秋水出示繪事數種有米囊花小

幀不著枝葉乃其未竟之作蓋絕筆也錢

玉魚爲補成之秋水索題因書二絕句以

誌悼

詩人老去客天涯小住蕪城不當家曼倩生來飢

欲死空腸閒寫米囊花

城東賴有玉魚生爲補殘花葉數莖一片燕支斷
腸影春風吹上畫屏輕

墨花硯歌

王明府渭川 兆熊 長安人年十九領乾

隆乙酉鄉薦越十七年而捷南宮今令
泰興其領薦之前一歲除夕研墨作字
竟元旦啟硯所餘墨忽成牡丹花二朶
枝葉宛然旣乾愈分明人咸異之遂藏
弄此硯不敢復用至今尙存明府繪圖

以張其事索諸人題詠齋生同年邀予

同作

硯田終歲不可耕心花一夕忽怒生精誠貫注山
骨裂墨瀋浮動花枝榮瑤思瑤想鬱奇致倏爾變
幻皆天成空中結撰真意出毫端五色相逢迎非
神非鬼亦非端文章一氣爲縱橫才華本是遠寒
儉春風富貴生陶泓列人不喻有至理驚怪不覺
雙目瞠先生於此亦自喜喜得宿藻胸懷傾流傳
特倩妙手繪琉璃匣護蛟龍精生香活色儼水墨
未許蜂蝶閒來爭至今此硯滌不得螺丸暗染燕

支頰風流明府佐大郡

時權揚州司馬

栽花舊有河陽名

當年弱冠掇藥脯先兆咸謂機早萌我聞大笑此
意俗淺識未免慙諸僇摘髭幾許濫科第安得一
一舒奇英君不見管城昔化禽飛鳴龍賓十二御
案行筆墨之靈每如此今君石友母乃是披圖結
習未消除還恐天花來著紙

題詹繡齋獨立圖

我昔聞庾子嵩卓然獨立朋儔中

晉書庾敳字子嵩有遠韻處衆

人中居

又聞裴俠使君守河北獨立之名衆所式

然獨立

周書裴俠爲河北郡守常與牧守俱謁文帝命俠

別立曰俠

清慎奉公爲天下之最今衆人有如俠

者可與之俱歟然時號獨立使君

當時二子風骨張姓氏千載猶

稱揚生來不肯自局促入世豈屑隨低昂是何少

年衣慘綠長身如鶴同嵇康古徒羞與流俗伍每

欲舉首翹天閭行年正當而立歲壯志早慕長風

長一身之外無與偶披圖睂宇生輝光我今見圖

如見子見子意態何清剛豈不知隨波逐流人所

與和光同塵堪自處世閒何地非吾儕未免離羣

空自苦君乎君乎何不學童冠偕遊之狂士又何

不學與世推移之漁父一片閒雲可共飛千秋黃

鵠偏高舉看君意氣多骯髒胸懷萬里天風盪不

鵠偏高舉看君意氣多骯髒胸懷萬里天風盪不

爲蒼茫自詠詩置身直在羲皇上

嘉平十二日赴都別家作四首

依依水上波脈脈雲中樹搖搖獨客心莽莽天涯
路此心甚欲留此路何能住不惜見面難但惜謀
身悞有淚不敢彈只恐落無數吞聲說後期努力
向前赴回看送行人慘立斜陽渡

刺刺語不休入直告婢子丈夫無離色謂可行萬
里嗟哉昌黎言未能達于理人當含悲時一語難
啟齒勉強託慨慷中腸痛無比人情不相遠豈以
無情美但從外貌觀何以識彼此

不合生西湖萬頃煙波涼天公見之妒不許居故
鄉不合住揚州樓臺照金碧天公又妒之令作風
塵客風塵非所恨所恨願已乖讀書有素志志在
登蓬萊不爾抽身早淪落邱山隈飢來驅我出歧
路生徘徊一旦求官去顧之成疑猜此中自有人
母乃非凡才

囊無百金裝家無儋石儲持此遽出門作計亦已
疏古人爲貧仕我貧尤所無顧此懸罄室進退焉
自如五斗雖折腰亦未損故吾方今

天子聖牧令煩都俞敢以非分膺濫邀墨綬紆況

當年華晚徒負十年書此行有懼心更與悲懷俱
天上望長安長安豈易居

露筋祠

湖雲湖樹兩茫茫祠廟猶傳節烈香此事正堪驚
薄俗底須苦辨鹿筋梁

鰲陽旅舍見壁上有閩人陳曉幢和隨園
老人落花原韻十五首辭旨淒婉隨園以
庶常改縣令故以落花自擬曉幢不知何
所爲讀其詩蓋亦有鬱于中者今予將謁
選人雖不得比於隨園而其不得已而爲

之之心正未嘗不同也隨園歸道山已三
年於茲矣感今追昔爰題二律仍以落花
爲賦前以弔袁後以自況附書於陳作之
後

生來標格豈尋常其奈春風特地狂零落自應循
舊例護持終竟仗東皇千秋絕艷皮留豹一瞋韶
華角挂羊月地雲階容我到不堪絲竹久淒涼
春恨春愁兩共牽天涯離緒鎮堪憐東西溝水無
知己上下簾櫳已各天未許守來紅並死何妨看
到綠無邊相逢猶是矜顏色不道臨風早惘然

辛酉春分前三日移寓萬明寺感賦四首

流浪琴書未有涯
又攜行篋蒞芻家
難將白業從教證
且喜紅塵得暫遮
客裏閒身隨定分
風前小劫感年華
此生何處非萍梗
莫更簾茵問落花

分明閒處等槃蓮
花發禪關喜客過
栖息有緣依信鼓
功名無夢上南柯

庭有老槐一株

橫來斐几流塵少

坐對紗牕夕照多
更憶法源三宿戀
海棠西畔住

藤蘿

五年前曾寓法源寺

黯然心事有誰知
廿四春光十二時
薄靄冷縈香篆杳
微風徐度磬聲遲
已慙呈佛無佳句
更惜還

鄉少定期賴是己公茅屋在未須惆悵說無枝

廊東有客共蕭晨千萬何須更買隣宦蹟易生知
己感天涯等是未歸人難求仁祖同時米空障元
規滿面塵此夜月華庭似水未妨乘興問懷民時陳
茗街明府同寓寺中

和嵇笠軒職方曉起看花原韻

簾外寒輕暖亦輕曉風廿四幾番更韶光得酒雙

眸健好句和花一手營

君性愛花必手自灌溉庭中諸卉皆一歲辛勤之力

倚徧闌干空有恨吹來藩溷豈無情賤天但乞春

陰護莫放牕紗旭日明

送趙味辛舍人分守青州兼乞假省親南
歸

驪駒曉唱春明路
薇省仙人赴官去
赴官却在東海頭
知是齊煙最深處
先生奕葉名卿後
甘泉奏賦相如手
廿年身在鳳凰池
蘇賈聲華喧眾口
長安米貴不易居
朝官清味水不如
一朝乞外佐大郡
牙紉坐擁屏星輿
是時祖帳臨官道
三月風光天氣好
夾路風翻謝女絲
黏天雨潤王孫草
行者手折楊柳枝
送者口歌楊柳辭
楊柳歌辭各有意
請公滿酌黃金卮
或言朝廷重民牧
謂公莫嫌

作吏俗會看瀛部著康歌

北齊崔伯謙遷瀛州別駕世宗以爲京畿司馬

勞之日卿驍足瀛部已著康歌督府務殷是用相授

定見熊幡換符竹少卿

終竟得高箱長史何容膺陋祿豈有王融歎乏駟

肯教蘇則憐驅鹿或言公本清華人起家甲族爲

詞臣蓬山自許栖逸翮弱水豈必無翔鱗牙笏口

脂賜臘日銀泥御酒儲三辰玉堂花開移禁旭

金鰲背穩祛凡塵胡爲連歲懷琚璫頭銜乍改猶

遂巡才華突過裴士禮遭遇似輸張景仁我聞其

說增莞爾公之校量豈爭此文章自重官爵輕位

不稱名焉足擬聲稱早日滿天下姓氏常時挂聯

商縱教伏處在衡茅何損當時清望美果使先生
遽通顯反恐求全還得毀卽今庭闈正無恙一檄
安陽殊可喜苟能如是願已酬人生之樂更誰比
吁嗟乎人生之樂更誰比羨公飛轡省親還歸心
先渡蓉江水

和精笠軒立夏前一日雨原韻

修禊纔教比永和又看風雨送春多西園昨夜添
紅淚南浦明朝更綠波泥滑漸霑遊子屐寒輕不
上老農蓑就中何處關情思無語流鶯似擲梭

春晚客中閒寫八絕句

客裏情懷不當春粥魚茶版寄閒身一雙燕子歸
來晚翻笑長安閉戶人

風光如此我何堪吹面塵沙亦自甘不願落花微
雨好對來生怕似江南

十日相隨看海棠隔年又復見丁香棗花寺裏人
如蠹一樣紅塵未是忙

楊花終日各西東舞徧風前幾萬重忽地成團共
飛去始知人世有相逢

坐來乍覺氣恹恹新綠當牕影漸深我與芻尼同
作客晝長消受一庭陰

紛紅駭紫足風流到處尋芳興轉幽惟有城西馬
都諫八千長闕樹春秋馬秋藥給諫寓庭大椿一株可合抱

六街日日走輕車輪與儀曹蔡浣霞堆砌落英三
尺厚風亭如雨撲藤花過蔡浣霞禮部寓紫藤方盛

流塵冉冉凝牕霧香篆沈沈鎖帳煙昨夜春寒如
水過盡牽歸夢上吳舡

重過法源寺看海棠已將殘矣

輕輪初逐柳棉飛認得精藍舊版扉遊客又生三
宿戀名芳乍減一分肥閒階雨過紅成陣小院春
深綠打圍莫惜風光容易去豐宜花信未全非

得家書竟夕不能成寐用東坡定惠院寓
居月夜偶出韻

前月得書愁萬千更漏沈沈數長夜今日書來語
更苦雙睫承愁不能下心如旌懸搖莫定淚似珠
含澀難瀉有誰知得此時情殘月憐人影初亞惟
餘醒夢寺鐘敲絕少消憂酒杯借世閒萬事水同
流暗裏餘光花共謝煩冤滿腹擁孤枕落拓一身
栖佛舍年來世味如嚼蠟老去功名等射蔗客因
無地途始窮貧以有家累堪怕不須路鬼更揶揄
直恐妻孥遭笑罵

銓期尙滯暫作楚遊留別陳茗街明府四首

幾回尋夢到黃梁依舊清風入枕長三月羈愁催
我老廿年歧路爲誰忙魚終上竹時應晚鹿更藏
蕉事豈忘淪落栖遲成久慣笑人鄧禹又何妨

青豆閒房佛一龕談深知己夜猶酣得官自合兼

詩好鄭谷句得句勝於得好官說士何緣比肉甘時就武昌督糧使者恒公

之聘茗街爲之推轂敢謂名卿能倒屣每從勝地惜朋簪春

明門外千絲柳回首前期已不堪

楚尾吳頭久汎槎鄂城西去更天涯大江夜蕩龍

鼉窟列障秋嚴虎豹家

荆襄一帶
尚資防禦

亂世姦雄餘一

梁傷時鼓史有三搥明朝黃鶴樓前路懷古吟成
重歎嗟

叱撥紅輕寶馬驕離魂又復黯然銷過家暫慰經

時別

將由揚
赴楚

此去終憐隻影遙水上風花遊子淚

江南明月美人簫看君再賦從軍樂鼓柁來迎漢
口潮

使者來

途遇權關使者興從甚都幾無宿處局

促野店中作此

使者來道傍車馬聲如雷十輛百輛同崔嵬十騎
百騎相喧逐一舍容不得聯絡數舍暫休息金鞍
玉勒照街衢使者僮奴好顏色好顏色仗官府叱
咤暗鳴莫敢侮敝車者誰貿貿來予門前無止
所東箱矮屋燈燄碧四壁陰沈土氣積臥枕蕭蕭
連馬槽牕風淅淅緣蟲隙我方局促不得眠起視
堂上正晏然昨宵轟飲尤喧闐燕姬吳裝蜀國絃
左右顧而咳臧獲之輩奔走相後先此曹威福已
如此其主安得不帝天君不聞一琴一鶴古所羨
清德於今本難見人生富貴誰與儕城狐社鼠何

榮哉榮莫榮於使者來

齊河王彥章墓

按歐公畫像記云葬鄭州管城今齊河有墓恐傳訛

古墓荒原日已沈鐵槍名氏尙堪尋一函早悞論
功地三日虛酬破敵心徒把鬪雞輕往事終留死
豹在如今楊劉敗後非天意空恨當時識語音

伴城湖

沂州蘭山之北有地名伴城橫流壤道
積水十數里深可沒馬附近田禾亦被
淹浸行李病焉法宜深溝土以培隄建
石梁以通涉是有土者之責也因賦是

篇寄樵人之司馬

伴城本非湖竟至有湖名急流穿壤道積潦波瀾
生既無與梁與舟楫需于泥沙衆心急行人對此
空徘徊鵠面鳩形來數十以馬作船人作馱客衆
行囊同負荷千錢扶一車百錢持一裹彼曹視此
作奇貨稍不遂其欲日暮途遙安可過前村有宿
不及投帶水拖泥道旁臥豈不聞周道如砥傳諸
詩道第不行古所譏一雨已如此若更汎濫將何
似一日已如此日日往來何所止吁嗟乎出與入
輦隨處安不知世有行路難我欲投牋向官訴只

恐狂言官長怒

齋生同年惠餉甘瓜走筆賦謝

君詩爽氣沁肺腸對之凜凜含冰霜
闔官朝來如抱甕浮瓜遠致尤甘涼
我從北歸方喘息喉乾吻燥舌本僵
道旁苦井土味足有水未許連甌嘗
鈴螭單馬走赤日宛暘結轡居膏肓
歸來得瓜大如斗金刀乍剖生寒鐸
砉然迎解如破竹豈料敗絮從中藏
數枚連擘不快意煩懣直欲成顛狂
感君識我消渴意纍纍遣送東階旁
甘泉滿盎浸寒綠流涎饒口今應償
輕拈似搏嶮山雪快嚼如飲天

瓢漿不知溽暑去何處習習斜宇清風長遙空雲
亂同潑墨雨意更欲翻銀潢底須赤手抱冰柱秋
氣早入珊瑚牀我乍出山急迴駕此中未熱休評
量仙人之棗果如是便擬入極凌天閭

七月十二日曾賓谷都轉煥招集題襟館
賦呈長篇時予將之武昌并以爲別

昔聞題襟館如望三神山題襟一集恣往復僅向
全豹窺一斑恍然置身在斯館俯仰揖讓羣公閒
揭來北遊不快意江城歸臥容疏頑又將西行至
鄂渚津亭楊柳隨時攀十年未識使君面禰生一

刺懷中看大將軍故有揖客汲黯欲往應無端長
裾自與走趨別作客不向侯門殘使君雅量恕簡
傲折柬許近蓬萊班淵源更復念先世雲泥有分
其誰安同時賓從聯袂至禮數脫略襦襌刪素鱗
剖鮮玉盤膩白虹瀉酒冰壺寒察貳廉空走臧甬
觴政接席無時閒梁溪一叟弄狡獪險語鳩舌來
閒關謂華君冠廉山明府妙音律珠喉一串敲輕檀萬
山明府頽乎其中者太守揚州太守張相對四座
承紀皆朱顏是時秋早暑氣闌涼風習習羅裳單琉璃
燈照滿堂白花影不上紅闌干昔公詩篇擅秋禊

此會也合亭名蘭我讀題襟句心摹古物如琅玕

銀槎之觴蛟龍蟠蟬腹之視碧血殷鐵簫更配鐵

如意一一細數寧愁殫

皆見題襟詩

今來惆悵未得見

疑在天上非塵寰公於諸器悉題詠開卷色澤常

爛爛公詩將兵多益善一軍驚拜淮陰壇賤子偏

神屬藥鞭馬首甘負前驅蘭感公甄錄忘好醜直

恐排擊盾難完

都轉時選近人詩徵及鄙製

飢驅出門不容住

相逢放手沙空搏志和浮家更汎宅乘槎博望天

邊還吾家故事類如此固宜遠涉驚波難二分明

月浪拋擲更從何處追清歡大江浩渺二千里龍

門愁隔銀河灣

留別李喬生同年卽次送別原韻

又從江國暫停驂
楚雨吳雲兩不堪
客路慣隨鴻雁北
歸心只戀鷓鴣南
已知斷梗身如寄
若遇名山意尙貪
半載津梁疲臥佛
枉教關吏姓名諳
破浪長風且一乘
底須千里說江陵
遙天芳草縈離別
古道斜陽管廢興
自昔南方衰已早
那堪西向笑無能
年年湖海長爲客
做骨惟餘瘦影憎
生來心性兩崎嶇
崑落落青松結願深
篋裏句裁欣共賞
夢中路熟易相尋
嬾懷怕就轅駒駕
壯志思

將穴螳擒二十七
鮭三萬卷長貧誰識庾郎心
宛邱屋小氣逾雄
今古談深一意通
跌宕君仍黃鵠舉
淹留我更土牛同
多情路隔晴川樹
回首春生絳帳風
經歲銀河會相見
驪歌休恨太匆匆

客懷十六韻

客裏重爲客
歸來不當歸
心隨江水急
夢入楚雲微
挾策黃金賤
長征綠髮稀
有情依故劍
無淚灑征衣
隨牒猶淹滯
因人自笑譏
別懷傷遠志
古意慕前徽
名士原多暇
狂生不見機
賦詩雄氣在
謀酒勝遊非
樹底烏難繞
樓前鶴不肥
閒情憑嘯詠

往事感歎欲落拓琴書累飄零事願違天涯浮去
浪空外駐斜暉倦眼迷雙纈吟腰減一圍已拌牛
女隔更惜燕鴻飛席未經時煖絃還別調揮未須
嗤碌碌臣朔本長飢

古別離曲

酒向手中持淚在睫閒閣淚滴酒杯中把酒和淚
酌酒甜淚味酸淚濃酒味薄將酒和淚一齊飲還
使淚從腹中落

龍江關口號二首

龍江關外水東流幾度停橈不自由潮落潮生晚

無際模糊煙樹近揚州

江樓少婦遠含情好語嚴關滯客程攔住風波八
千里省儂夫壻又長征

江水吟

江流東遊子西水來人去意轉迷江水東流自有
定行人之去違厥性來船萬箇順流歸始悔此行
多浪孟我歌秋浦秋傳淚達揚州揚州不可到漫
漫長江道東風突起輕帆飛船頭濺沫霑羅衣不
願江風送我去但願江波送我歸江不東歸未肯
止恨殺行人不如水

雨泊魯港

急雨催征櫂江村得暫過岸危臨水動山遠入秋
多小市繁金屐閒門住碧羅自慙漂泊意野老易
高歌

江上看山

連山壓江來江欲浮之去龍嵒青不斷面面屏障
豎濃色欲漲天雲葉補缺處雲天蕩一片嵐氣共
回互其下萬頃波浩浩日夜赴近山景宜畫遠山
景宜暮近山雨亦佳遠山晴更露霞彩忽變幻轉
眩目難注疑有萬畫手金碧向空布江村隨意置

點綴不知數我方從北來處處堪屢顧忘却身在
險可愛不可怖吾家山水窟一一似逢故若以此
景校除是之江路西湖稍遜雄奇秀亦云庶鯁生
識見小好景憑目遇非關所好阿未免鄉心護再
拜祝江神洪濤歛厥怒煙鬟須緩看毋使忽忽悞

三山港

傍渚成村小臨流結屋牢官微稀政事
此地有三山司江
狹靜風濤返照紅霞斷連山碧樹高鄉心正撩亂
長覺夢魂勞